



Jumat, 4 Februari 2022

Ogen: Esekiel 26:1-21



"Iradasken Kerina"



Kinirawan Dibata icidahkenna ka man Kalak Tirus, bagi rawana ia man kalak Pilisti. Sura-sura Dibata ngeradasken kalak Tirus ras kutana kerina. Paksa si e, Dibata jadi imbang kalak Tirus. I bas ayat 3 renungenta : *"Aku kap musuhndu, o Kuta Tirus. Kusuruh melala bangsa nerang kam, ia reh desken galumbang lawit."* I bas nehken rawaNa nandangi kalak Tirus, ibaba Dibata me Raja Nebukadnezar si iandingken Dibata desken galumbang si mbelin guna nerang kalak Tirus e.

I bas nehken rawa Dibata, erbage caa si banci ibahanNa. Bangsa si la nandai IA pe banci ipakeNa jadi perkakasNa. Sapih-sapih bangsa si la nandai Dibata pe banci pake Dibata nehken kuasaNa. Em tanndana kerina bangsa-bangsa doni enda iteruh kuasa Dibata. Arah perbahanen Dibata e tangkas min man kalak Israel maka Dibata ngenca si metunggung ndatken kehamaten. IA ngenca perlu isembah ras ipehaga. Iradasken Dibata me kerina kalak, kuta si lanai nggit nandai Dibata bagepe sierban ceda pusuh Dibata.

Si pekusur-kusur mulihi kata e bas pusuhtha, maka labo kepe lit dibata dibata i doni enda si megegeh si ngasup naluken Dibata sini sembah kita e. Dibata ngasup ngaturken kerina isi doni enda bagi sura-suraNa. Ukumen-ukumen si isehkenNa man bangsa-bangsa si la nandai IA e me sada pengajaren man banta gelahna siidah ras sigejapken kuasaNa si mbelin e. Janah e me jadi dalanta lalap reh ngerembakken diri man baNa. Tupung iberekenNa denga kesempatan, sipakekenlah e guna mpekena-kena hubungenta ras IA reh mehulina.

Tuhan erkuasa nandangi geluhtha.